

中國科學社
胡明復博士社稷紀念

北平北海圖書館藏



胡明復博士遺像

中國科學社社葬胡明復博士記

胡明復博士以清光緒十七年四月十三日生於江蘇之無錫。幼習商，不屑改習數理。西歷一千九百十七年，在美洲哈佛大學，以數學研究論文授博士學位。博士生平盡瘁科學，一千九百十四年創立中國科學社，經營社務，始終不懈，凡人所不欲爲者皆自任之，雖瑣細不辭。民國十六年六月十二日，在錫泗水遇難，年僅三十七歲。中國科學社同人念博士締造本社之艱，努力科學之忠，乃於十八年七月二十一日，社葬博士於浙江杭州之西湖南山烟霞洞。顛且爲之銘曰：

知無涯兮生有涯，

願焚身以創造人類之光明。

MG
K826.1
11

世方沉醉於富貴毀譽兮，

先生獨致力於無名。

力盡兮心安，

死生成敗何足論。

江流不盡兮，

山色長青。

千秋萬世兮，

永護佳城。

民國十八年七月

楊
銓
謹
撰



胡明復博士畧傳

胡君名達，字明復，以字行。江蘇無錫縣人。世居本邑堰橋鎮。祖父和梅公爲江蘇桃源教諭，提倡樸學爲士林所推重。父壹修先生生子三人，長曰敦復，幼曰剛復，君其仲也。君自童齡穎絕，負意氣，天才特達。始受教育於季父兩人先生，家學旣正，秉性尤厚，故君常樂易而介然有以自守。十三歲畢業南洋公學之小學，升中院，旋改習商業於宣興。閱歷於閭閻勢利之境，盡知世俗之情僞，識量於是大增。歲餘，閱歷旣深，大恥之，決意復學。十五歲入上海中等商業學堂，學業孟進，每試輒冠。其曹畢業後，入南京高等商業學堂，對於所習科目無不精微。行將畢業，適清華學校第二次派學生留美招考，君赴京應試，即獲選。

游美入康乃爾大學，時年二十而已。世人皆知君精於數理，而不知其於經濟會計諸學，實具有專門之根柢也。至是君以爲本國之貧弱，皆由於科學不明所致；於是改研數理，卒能大成，獨有心得，爲全校數千人所驚服。其得康乃爾大學畢業生之兩種名譽獎牌，猶其餘事耳。繼入哈佛大學以研究數學中高等分析問題，得哲學博士之學位，時年才二十有六。君又以爲講學莫要於結合團體，可收智識交換之效；乃於留美時仿科學先進諸國組織學會之法，集合同志發起中國科學社。刊行雜誌，名曰「科學」。除撰文外，親任編輯，標點校對，十餘年不懈。一切社務君實爲總持。君之盡力於吾國科學者，可爲不薄矣。君回國後，即任大同大學數理教授，且贊助校務，不辭勞瘁。兼南洋中學教課。嗣後兼南洋大學及東南大學商科數學教授。循循善誘，學者翕服。終年不

一較課，至物故之翌日，學生待君不至，曰：此爲胡先生數年來第一次缺課也。君之任事專一不苟，皆類此。其明察精細，足以經營國事，而未能一藉手；任上海政治分會教育委員會委員兩月，多所擘畫，卒以不遂所志，辭職。其辭呈中有個人思想落後，及不願附和苟同等語。君之剛斷不撓，於此可見。民國十六年六月，赴嫡母之喪，回里。十二日向晚，天氣蒸悶，與從兄憲生在橫河口泗水，力竭而沒。春秋三十有七。君平素達於生死之觀，每言死於清流爲最樂。嗚呼！孰知其竟成讖語也。君平生一無嗜好，敝衣粗食，有古君子風。性耽音樂，喜遊名山大川。著有數學高等分析問題論文一卷，科學論文若干篇，散見於「科學」。妻薛氏，子二，銘東，炎庚，女一，金箴。

曹惠羣

胡明復博士葬禮秩序單

(七月二十一日上午九時在烟霞洞舉行)

(一)全體肅立向黨國旗行禮

(二)主席恭讀 總理遺囑 靜默

(三)中國科學社董事會理事會致祭

1. 向胡博士遺像行禮

2. 主祭者讀祭文

3. 獻花圈

4. 禮成

(四)各團體致祭

(五) 社員及來賓致祭

(六) 家族致祭

(七) 起柩 全體執紼上山

(八) 安葬

1004A

78

476-60

SKBC

MG

K826.1

11